

К ОПУБЛИКОВАНИЮ

КОМИ РЕСПУБЛИКАЛӨН

ОЛАНПАС

Коми Республикаса юркарлөн статус йылысь

Примитöма Коми Республикаса

Каналан Сöветөн

2022 вося урасьöм тöлысь 17 лунö

1 статья

1. Коми Республикаса Оланподувлөн 69 статья серти Коми Республикаса юркарөн лоö республика тöдчанлуна Сыктывкар (водзö – Сыктывкар).

2. Коми Республикаса юркар – Коми Республикалөн административнöй, политика, наука да велöдан, культура да история шöрин, Коми Республикаса канму власьт органьяслөн да Коми Республикаса канму органьяслөн, Россия Федерацияса федеральнöй канму власьт органьясса мутас органьяслөн да канму органьяслөн, а сідзжö Россия Федерацияса субъектьясöс, Коми Республикаын суйöрсайса канмуясöс да войтыркостса организациясöс петкöдланіньяслөн меститчанін.

2 статья

Коми Республикаса юркарлөн могъясөн лоöны:

1) Сыктывкар мутасын войтыркостса, федеральнöй, дінмукоствса да республика тшупöда мероприятиеяс, сы лыдын праздничнöй луньяслы да казътылан кадпасьяслы сиöм кыпыд мероприятиеяс (водзö – юркарса мероприятиеяс) нуöдöмсö котыртöмын участвуйтöм условиеяс лöсьöдöмөн, кутшöмьяс йитчöмаöсь Сыктывкар праздничнöя (тема серти)

оформитöмкöд, юркарса мероприятиеяс культурнöй уджтасьясöн могмöдöмкöд, найöс юöрöн могмöдöмкöд;

2) Сыктывкарса öтув вöдитчан мутасьяслысь инфраструктура артмöдöм, видзöм, сöвмöдöм вылö условиеяс лöсьöдöм, юркарса мероприятиеяс нуöдöм могысь индöм мутасьяс бурмöдöмсö котыртöм;

3) юркарса мероприятиеяс нуöдöмкöд йитöдын Сыктывкарса олысьясöс, а сідзжö гöсьтьясöс транспортöн могмöдöм вылö условиеяс лöсьöдöм;

4) юркарса мероприятиеяс нуöдöм могысь Сыктывкарлöн мудорьясын меставывса тöдчанлуна автомашина туйяс серти туйывывса удж нуöдöм да на вылын туй вылын видзчысянлунсö могмöдöм;

5) юркарса мероприятиеяс нуöдöмкöд йитöдын Сыктывкар мутасын зданиеяс, стрöйбаяс да мукöд объект, сы лыдын карса гöгöртас объектъяс, стрöитöм, выльмöдöм, видзöм вылö условиеяс лöсьöдöм;

6) юркарса мероприятиеяс нуöдöмкöд йитöдын «Сыктывкар» кар кытшса муниципальнöй юкөнлöн мутасын меститчöм культура озырлун объектъяс (история да культура памятникъяс) видзöмсö могмöдöм, наöн вöдитчöм да паськыда тöдмöдöм вылö условиеяс лöсьöдöм.

3 статья

1. Коми Республикаса юркарлысь могьяссö Сыктывкарöн олöмö пöртöмкöд йитöдын Коми Республикаса канму власьт органьяс урчитöм компетенция серти:

1) дасьтöны да збыльмöдöны Коми Республикаса канму уджтасьяс, дінму уджтасьяс, кытчö пырöны мероприятиеяс, кутшöмьясöс веськöдöма Коми Республикаса юркарлысь могьяссö Сыктывкарöн збыльмöдны отсалöм вылö;

2) Коми Республикаса канму уджтасьяс, дінму уджтасьяс дасьтiгöн корöны «Сыктывкар» кар кытшса муниципальнöй юкөнлöн меставывса асвеськöдлан органьясöс видлавны мероприятиеяс, кутшöмьясöс

веськӧдӧма Коми Республикаса юркарлысь могъяссӧ Сыктывкарӧн збыльмӧдны отсалӧм вылӧ;

3) збыльмӧдӧны оланпастэчасӧн урчитӧм мукӧд уджмог.

2. Коми Республикаса юркарлысь могъяссӧ Сыктывкарӧн олӧмӧ пӧртӧмкӧд йитӧдын «Сыктывкар» кар кытшса муниципальной юкӧнлӧн меставывса асвеськӧдлан органьяс:

1) дасьтӧны да пӧртӧны олӧмӧ Коми Республикаса юркарлысь могъяссӧ Сыктывкарӧн збыльмӧдӧм вылӧ веськӧдӧм мероприятияс;

2) Коми Республикаса канму уджтасьяс, дӧнму уджтасьяс дасьтӧгӧн урчитӧм пӧрадокын участвуйтӧны мероприятияс видлалӧмын, кутшӧмьясӧс веськӧдӧма Коми Республикаса юркарлысь могъяссӧ Сыктывкарӧн збыльмӧдны отсалӧм вылӧ;

3) могмӧдӧны юркарса мероприятияс Сыктывкарын нуӧдӧм вылӧ колана условиеяс;

4) збыльмӧдӧны оланпастэчасӧн урчитӧм мукӧд уджмог.

4 статья

Мероприятиеяссӧ, кутшӧмьяс йитчӧмаӧсь Коми Республикаса юркарлысь могъяссӧ Сыктывкарӧн олӧмӧ пӧртӧмкӧд, вермӧны могмӧдны сьӧмӧн:

1) локтан финансӧвӧй во да планӧвӧй кадколаст вылӧ «Сыктывкар» кар кытшса муниципальной юкӧнлӧн сьӧмкуд йылысь помшуйӧмӧн урчитӧм сьӧм тшӧт весьтӧ;

2) мероприятиеяс вылӧ, кутшӧмьясӧс веськӧдӧма Коми Республикаса юркарлысь могъяссӧ Сыктывкарӧн збыльмӧдны отсалӧм вылӧ, субсидияяс тшӧт весьтӧ, кутшӧмьясӧс урчитӧма Коми Республикаса канму уджтасьясын, дӧнму уджтасьясын;

3) вотысь, кутшӧмӧс колӧ вуджӧдны Коми Республикаса республиканскӧй сьӧмкудйӧ Россия Федерацияса оланпастэчас серти, содтӧд отчисление норматив тшӧт весьтӧ, кутшӧмӧс урчитӧма Коми

Республикаса республиканскöй сьöмкуд йылысь Коми Республикаса оланпасöн.

5 статья

Тайö Оланпасыс вынсялö сйöс официальнöя йöзöдöм бöрын дас лун кольöм мысти.

Коми Республикаса Юралысь

В.В. Уйба

Сыктывкар

2022 вося урасьöм тöлысь 22 лун

1-РЗ №